

SA's Leading Past Year

Exam Paper Portal

S T U D Y

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWESIBINI OLONGEZELELWEYO (SAL)

IPHEPHA LOKUQALA (P1)

NOVEMBA 2014

WESTERN CAPE

AMANQAKU: 120

IXESHA: 2½ iiyure

Olu viwo lunamaphepha ali-22.

IMIYALELO NENGCACISO

1. Eli phepha lemibuzo linamaCANDELO AMANE angala:

ICANDELO A: Uvavanyo lokuqonda	(30)
ICANDELO B: Isishwankathelo	(10)
ICANDELO C: Izakhi nemigaqo yokusetyenziswa kolwimi	(40)
ICANDELO D: Uncwadi	(40)
2. Phendula YONKE imibuzo.
3. Bhala icandelo NGALINYE kwiphepha ELITSHA.
4. Krwela umgca ekupheleni kwecandelo NGALINYE.
5. Nombola iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
6. Shiya umgca emva kwempendulo nganye.
7. Qwalasela ngokukodwa upelo nolwakiwo lwezivakalisi.
8. Iingcebiso malunga nolwabiwo lwexesha:

ICANDELO A: 50 imizuzu
ICANDELO B: 30 imizuzu
ICANDELO C: 40 imizuzu
ICANDELO D: 30 imizuzu
9. Bhala ngokucocekileyo nangokucacileyo.

ICANDELO A: UVAVANYO LOKUQONDA

UMBUZO 1

ISICATSHULWA A

- 1.1 Funda esi sicutshulwa sihamba nemifanekiso yaso ngononophelo uze uphendule imibuzo elandelayo.

UMFUNDI OMFUTSHANE

UMHLATHI 1

UMichael Mbhele une-15 leminyaka. Iimpahla zakhe zilingana umntwana oneminyaka emi-3 kodwa unentliziyo entle nobubele. UMari Murray oyinqununu yeWestridge High eThekwini uthi mhla wafika uMichael kweso sikolo, abafundi bothuswa bubude bomzimba wakhe oyi-98 cm. Abafundi basuke bafune ukumphakamisa njengomntwana. Abanye bamphakamisa bamlahla emgqomeni wenkunkuma. 'Babecinga ukuba ndingumntwana ndaza ndabaxelela ukuba andingomntwana. Abazange baphinde bandilahle emgqomeni,' utshilo uMichael. Umzimba kaMichael uphilile kwaye onke amalungu omzimba aphilile ngaphandle nje kokuba mancianane.



UMHLATHI 2


Utata kaMichael wasweleka uMichael esemncinci eNanda ngaseThekwini. Ekuqaleni konyaka ophelileyo umama wakhe wagilwa yitekisi wasweleka. UMichael nomama wakhe babehlala bodwa ngelo xesha. Akazange abaxelele ootitshala bakhe ngokubhubha kukamama wakhe. Wayigcina kuye intlungu yakhe. Ootitshala babona ukuba unengxaki kuba amagxa akhe ayesiwa naye ekhangeleka ediniwe. 'Ekugqibeleni wasixelela ukuba unina uswelekile,' kutsho inqununu.

UMHLATHI 3

Akukho zinto zininzi zilungiselelwe yena yedwa esikolweni ngaphandle kwedesika nesitulo sakhe esincinane. UMichael uthi ufuna ukuba ngumdlali wefilimu kwaye intandane yakhe nguChris Tucker ohlekisayo waseHollywood. 'Kulo nyaka senza umdlalo ongeeteki kwaye ndiza kudlala indawo yomqhubi weeteki,' utshilo uMichael.

UMHLATHI 4

UMichael uyonwabisa kakhulu kwaye uqhelana lula nabantu abaninzi. UMichael uluncedo eklasini kuba kusasa uthabatha irejista avulele utitshala wakhe ucango. Utitshala wakhe uJohanna Muribwathoho uthi, 'ukrelekrele kwaye uneempawu zobunkokheli.' Umhlobo omkhulu kaMichael nguNeil van der Merwe. 'Siyancedisana ngomsebenzi wesikolo kwaye ndimthatha njengomnye nje umntu omtsha,' kuphawule uNeil.



UMichael ehleli netshomi yakhe ende, uNeil.

UMHLATHI 5

'Abantu abaninzi bacinga ukuba ndiye ndinqwenele ukuba mde njengabanye abantwana ingakumbi xa ndifuna ukuthatha into ephezulu. Ndonwabile yinto endiyiyo kwaye ubude bam abundenzeli ngxaki,' utshilo uMichael. UMichael uthethe oku esenza umzekelo nangoBaby Jake Matlala ongumdlali wamanqindi odumileyo.

[Sithathwe kwiBona ka-Agasti 2003 saze sahlelwa]

JONGA KUMHLATHI 1

- 1.1.1 Ngubani ifani kaMichael? (1)
- 1.1.2 UMichael uneminyaka emingaphi? (1)
- 1.1.3 Kutheni abafundi befuna ukumphakamisa uMichael xa beqala ukumbona? (2)
- 1.1.4 Chaza le ntetho ngamazwi akho, 'UMichael unentliziyo entle'. (1)
- 1.1.5 Ukuba wena ubunguMichael, ubunokuvakalelwa njani yinto yokuphathwa kakubi nokugezelwa ngabanye abafundi? (2)
- 1.1.6 Yinyaniso okanye bubuxoki? UMichael mncinane kuba uyagula. Xhasa impendulo yakho ngokubhekiselele kwisicatshulwa. (2)

JONGA KUMHLATHI 2

- 1.1.7 Chonga kwitekisi isivakalisi esibonisa ukuba uMichael wayengumntwana ongazithethiyo iingxaki zakhe ebantwini? (2)
- 1.1.8 Wasweleka njani umama kaMichael? (1)
- 1.1.9 Yeyiphi into ebalulekileyo eyenziwe nguMichael ekugqibeleni? (2)
- 1.1.10 Khetha kula mazwi ovelwano angezantsi amazwi obunokuwanika uMichael emva kokusweleka kukamama wakhe:
- A Ndiyavelana nawe Michael, musa ukulila.
 - B Ndiyavuyisana nawe, Michael.
 - C Ziindaba ezimnandi ezi Michael, phumla ngoxolo.
 - D Ndiyakubulela ngesipho sikamama wakho, Michael. (1)

JONGA KUMHLATHI 3

- 1.1.11 Nika izinto EZIMBINI ezilungeselelwe uMichael esikolweni ngenxa yobufutshane bakhe. (2)
- 1.1.12 UMichael ufuna ukuba yintoni ngenye imini? (1)
- 1.1.13 UMichael uza kudlala eyiphi indawo kumdlalo weqonga esikolweni kulo nyaka? (1)

JONGA KUMHLATHI 4


- 1.1.14 Nika naziphi izizathu EZIBINI ezinokwenza ukuba uMichael abonwe eluncedo ngutitshala wakhe. (2)

JONGA KUMHLATHI 5

- 1.1.15 Chaza indlela uMichael avakalelwa ngayo ngobufutshane bakhe. (1)
- 1.1.16 Ngubani umntu ongumzekelo kuMichael kwaye lo mntu udlala owuphi umdlalo? (2)

ISICATSHULWA B: OKUBONWAYO

1.2 Qwalasela le grafu uze uphendule imibuzo elandelayo.



[Le grafu ithathwe kwi-www.google.co.za]

- 1.2.1 Sesiphi isiselo esithandwa ngabafundi abambalwa? (1)
- 1.2.2 Nika ipesenti yabafundi abasela isiselo sediliya. (1)
- 1.2.3 Sesiphi esinye isiselo esilingana nese-apile ngokuthandwa ngabafundi? (1)
- 1.2.4 Zingaphi iipesenti zabantu abasela isiselo sepere? (1)
- 1.2.5 Kwezi ziselo zikwigrafu, ucinga ukuba zeziphi ezona ziselo zinokwenzela ingeniso enkulu ukuba ubungumthengisi weziselo? (2)

[30]

AMANQAKU ECANDELO A: 30

ICANDELO B: ISISHWANKATHELO

UMBUZO 2

Umhlobo wakho owenza izifundo zokupheka umenyiwe ukuba aye kukhuphiswano lokupheka lwezikolo zendawo enihlala kuyo. Ucela wena ukuba umcacisele **ngendlela elula yokupheka isidlo sikanopotyi**.

Funda esi sicutshulwa singezantsi uze ubhale uluhlu lwamanqaku ASIXHENXE oza kuwabandakanya kwingcaciso yakho.

QAPHELA:

1. Bhala amaqaku ASIXHENXE ngezivakalisi ezizeleyo.
2. Sebenzisa amagama akho kangangoko unakho.
3. Izivakalisi zakho zibhale ngeenombolo ukusuka ku-1 ukuya ku-7.
4. Bhala isivakalisi ngasinye kumgca omtsha.
5. Isishwankathelo sakho esinamanqaku esixhenxe MASINGADLULI KUMAGAMA ANGAMA-50.
6. Bonisa INANI LAMAGAMA OWASEBENZISILEYO EWONKE kwizibiyeli ekupheleni kwesishwankathelo.

INDLELA ELULA YOKUPHEKA ISIDLO SIKANOPOTYI (IPOTJIEKOS)

Okokuqala: Umlilo ofunekayo


Ukuze isidlo sikanopotyi singatshi kwaye sibe nencasa kufuneka ungabasi umlilo omkhulu. Umlilo omkhulu utshisa imbiza namanzi opheka ngawo ngokukhawuleza.

Okwesibini: Amafutha afunekayo nezinye izinto

Xa umlilo wakho sele ulungile, beka unopotyi emalahleni ugalele intwana yamanzi nentwana yamafutha. Nqunqa igaga letswele, amakhowa, iipepile nezinongo uzigcace kula mafutha.

Okwesithathu: Inyama oyithandayo

Galela ke ngoku udidi lwenyama oyithandayo, njengeyegusha, eyenkomo, eyenkukhu, nentlanzi engenamathambo. Zamisa wakugqiba uyeke imbiza emlilweni kangangemizuzu engama-45.



Okwesine: Ezinye izinto onokuzifaka

Ungagalela neetapile, ikhaphetshu, umbona neminqathe, kunye nomxube wesiselo selamuni, uze emva koko uzamise imbiza yakho.



Okwesihlanu: Vala isiciko

Emva kokuba uyivalile imbiza yakho, qiniseka ukuba umlilo wakho mncinci kwaye uyacotha kuba imbiza yakho kufuneka ihlale emlilweni iiyure ezimbini.

Okwesithandathu: Ingaba ukutya sekulungile?

Ukuba imbiza yakho ivuthiwe uza kubona ngokusuka kwenyama emathanjeni kwaye nemifuno yakho iza kube ithambe kamnandi. Yiva ngefolokhwe ukuba inyama nemifuno zithambe ngokupheleleyo na.



Okwesixhenxe: Ukudibanisa nantoni ukutya kukanopotyi?

Ukutya kukanopotyi kumnandi kakhulu xa kutyiwa nerayisi emdaka, iirostile nethanga. Phaka ukutya kwakho ubone ukuba abantu bakonwabela njani na. Ukutya kukanopotyi kokona kuthandwayo kwezi ntsuku.

[Siyilwe sabhalwa ngabevi]


AMANQAKU ECANDELO B: 10

ICANDELO C: Izakhi nemigaqo yokusetyenziswa kolwimi

UMBUZO 3

ISIBHENGEZO-NTENGISO

Qwalasela esi sibhengezo-ntengiso uze uphendule imibuzo engezantsi.



[Lo mfanekiso uthathwe kwi-Intermediate Communication Games – Jill Hadfield, waze wahlelwa]

3.1 Igama elithi '**UMACOCAKONKE**' lisixelela ntoni ngalo matshini? Khetha impendulo echanekileyo kwezi zilandelayo:

- A Ngumatshini ococa konke ukutya
- B Ngumatshini ococa yonke imoto
- C Ngumatshini ococa yonke into
- D Ngumatshini ococa bonke oomama (1)

3.2 Esi sibhengezo-ntengiso sijoliswe kubani? (1)

3.3 Kutheni igama elithi 'Khawuleza' libhalwe ngefonti enkulu? (2)

3.4 Funda isivakalisi esilandelayo uze ubuze umbuzo oza kunika le mpendulo ikrwelelwe umgca ngaphantsi.

Lo matshini ususa uthuli.

Umzekelo: Lo matshini uyakorobha.

Impendulo: Lo matshini wenza ntoni? ✓ (1)

3.5 Ibinzana elithi, 'Walala wasala' lithetha ukuthini? Khetha impendulo echanekileyo kwezi zilandelayo:

A Lala ukuba uyozele.

B Vuka ukuze ungaphoswa.

C Lala kamnandi ucinge.

D Sala ebhedini ungavuki. (1)

3.6 Yakha isibizo kwesi senzi: -tshayela. (1)

3.7 Khupha isimaphambili seli gama: oomama

Umzekelo: Abantwana

Impendulo: Aba- ✓ (isimaphambili) (1)

3.8 Uyavumelana noluvo lokuba ngoomama kuphela abaza kusebenzisa uMacocakonke? (2)

[10]

UMBUZO 4

Jonga le khathuni, uze uphendule le mibuzo ilandelayo.

1
UChiskop: Bafondini, uphi laa tsotsi mfutshane? Ndimfuna ngenqindi nempama.
URasta: Tyhini! Kwenzeka ntoni?

2
URasta: Sanukundibuzo! Ndichazeleni apho akhoyo.
UChiskop: Hayi, mfondini sixelele kwenzekeni kuqala.

3
UChiskop: Mamelani ke. Ndifike ekhaya,inja yam ingekho. Ndaya kuyikhangela kwikhaya lesithandwa sam.
URasta: Nyhani? Wayifumana ke?

4
URasta: Hayi, ndifike uNomsa encoma uShoti ngokusainja kwaSPCA.
UChiskop: Uncedile uShoti kuba wena uyathanda ukumshiya yedwa uDanger.

5
UChiskop: Uthini? Uphambene. Ingaba ilungile le nto yokuthathwa kukaNomsa nguShoti?
URasta: Nyhani?

6
URasta: Kaloku uNomsa uthanda uShoti kuba uncedeeinja yam. Uthi akafuni ukuphathwa njengalaa nja yam.

7
URasta: Yho! UShoti ngudyakalashi okwenene.
UChiskop: UStix

8
URasta: Khawuza apha, Shoti. Ndifuna ukukubheta njengenja yam.
UChiskop: Umele ukuvalelwa njengalaa nja yakho!
URasta: UShoti

[Ithathwe kwiBONA XHOSA, SEPTEMBER 2006 yaze yahlelwa]

IBHOKISI 1

- 4.1 Bhala phantsi isichasi seli gama '**mfutshane**'. (1)
- 4.2 Chonga/Khupha isikhuzo kwesi sivakalisi: 'Tyhini! Kwenzeke ntoni?' (1)

IBHOKISI 2

- 4.3 Bhala lo myalelo ube kwisinye: 'Sanukundibuza!' (1)

IBHOKISI 3

- 4.4 Bhala esi sivakalisi kwixesha langoku: 'Ndaya kuyikhangela kwikhaya lesithandwa sam.' (1)

IBHOKISI 4

- 4.5 Yakha isibizo kwesi senzi: -thanda. (1)

IBHOKISI 6

- 4.6 Bhala igama elinomgca ngaphantsi kwesi sivakalisi libe kwimo evumayo:
'UShoti akafuni ukuphathwa njengenja.' (1)
- 4.7 Inkangeleko yobuso bukaRasta ibonisa oluphi uvakalelo? Khetha impendulo echanekileyo kwezi:
A Wothukile
B Wonwabile
C Uyozela
D Ulusizi (1)

IBHOKISI 7

- 4.8 Umntu ongudyakalashi ngumntu onjani? (1)

IBHOKISI 8

- 4.9 Funda ezi zivakalisi ulungise iziphene kumagama akrwelelwe umgca ngaphantsi.
'Khawuza apha, Shoti! Ndifuna ukukubheta njengenja yam.' (2)
[10]

UMBUZO 5

IPROZI

5.1 Funda lo mhlathi ulandelayo uze uphendule imibuzo engezantsi.

UKUTYA OKUNEMPILO

Kubalulekile ukutya ukutya okunempilo ingakumbi iziqhamo nemifuno, zona kufuneka sizitye yonke imihla. Imifuno efana namathanga, iitapile, amakhaphetshu, amatswele neminqathe ibalulekile. Iziquhamo ezibalulekileyo ziziquhamo ezinjengeebhanana, ama-apile, amapere, iioerenji neediliya.

Imizimba yethu iyayifuna inyama. Iindidi zenyama ezibalulekileyo ziquka inyama yenkomo, inyama yegusha nenyama yenkukhu. Kufuneka sitya intlanzi kabini ngeveki emakhaya kuba inyama emhlophe ingcono kunenyama ebomvu. Inyama emhlophe ingumhlobo wentliziyo kanti inyama ebomvu nentliziyo yinyoka nesele.

Khumbula ukuba umntu umele ukusela iiglas (which are eight) zamanzi ngemini. Iintliziyo zoogqirha zizele luvuyo kuba babona abantu besitya ngendlela elungileyo. Imizimba yethu ifuna ukutya okunempilo.

[Ithathwe kwiWebmd kwi-intanethi yaze yaguqulwa.]

- 5.1.1 Bhala phantsi naliphi igama elibolekwe kwisiNgesi kumhlathana wokuqala. (1)
- 5.1.2 Nika isininzi seli gama: 'intlanzi'. (1)
- 5.1.3 Nika isilanduli segama elikrwelelwe umgca ngaphantsi kwesi sivakalisi:
- Imizimba yethu iphilile. (1)
- 5.1.4 Bhala phantsi isichasi seli gama: 'khumbula'. (1)
- 5.1.5 Bhala isivakalisi ngasinye kwezi zingezantsi sibe kwixesha elibhalwe kwizibiyeli.
- (a) Imizimba yethu iyayifuna inyama. (ixesha elizayo) (1)
- (b) Imizimba yethu iyayifuna inyama. (ixesha ebelidlula) (1)
- 5.1.6 Nika intsingiselo yesi saci: 'yinyoka nesele'. (1)
- 5.1.7 Gqibezela esi sivakalisi ngokuguqulela esiXhoseni okubhalwe kwizibiyeli:
- Umele ukusela iiglas (*which are eight*) zamanzi ngemini. Bhala igama kuphela. (1)

- 5.1.8 Ithetha ukuthini le ntetho: 'Zizele luvuyo'? Khetha impendulo echanekileyo kwezi zilandelayo:
- A Zinevumba kakhulu
B Zinosizi kakhulu
C Zonwabile kakhulu
D Zibuhlungu kakhulu (1)
- 5.1.9 Lungisa igama elikrwelelwe umgca ngaphantsi kwesi sivakalisi:
Kufuneka sitya intlanzi kabini ngeveki. (1)
- 5.1.10 Tshintsha esi sivakalisi uqale ngegama elikrwelelwe umgca ngaphantsi.
Imizimba yethu ifuna ukutya okunempilo.
Umzekelo: Abantu batya iziqhamo.
Impendulo: Iziqhamo zityiwa ✓ ngabantu. ✓ (2)
- 5.1.11 Khetha igama elichanekileyo kula akwizibiyeli.
(a) (Asiyinyama/Asingonyama/Asiyonyama) le ndiyityayo. (1)
(b) Ngamathanga (la/le/lo). (1)

5.2 Qwalasela lo mfanekiso uhamba netekisi ekwitheyibile uze uphendule imibuzo engezantsi.



iifilim nibukele ezinomdla Yizani!

NU METRO ULwesihlanu 23 – ULwesine 29 NOVEMBA	EKAPA IFONI: 021 624 5927 AMATIKITI: R40 www.numetro.co.za
Mihla le: 13:30, 18:30 Shaka Zulu (13 LS) Mihla le: 09:00, 10:30 Intonga (A)	Mihla le: 10:00, 14:00, 18:00 UNongqawuse (13 LV) Mihla le: 10:00, 14:00 Buzani kuBawo (16 LV)

[Lo mfanekiso uthathwe kwi-www.googleimages.co.za waze wahlelwa]

- 5.2.1 Ubona izitulo ezingaphi kumgca ongasemva kwicala lasekunene? Qala impendulo yakho ngolu hlobo: Ndibona izitulo ... (1)
- 5.2.2 Nika isichasi segama elikrwelelwe umgca ngaphantsi.
Isikrini sebhayaskophu sincinci. (1)
- 5.2.3 Bhala phantsi umyalelo okwisikrini sebhayaskophu ube kwisinye:
'Buzani kubawo!' (1)
- 5.2.4 Bhala amagama akwesi sivakalisi alandelelane ngendlela echanekileyo:
iifilim nibukele Yizani ezinomdla! (2)
- 5.2.5 Yimalini itikiti lokubukela ifilim kule bhayaskophu? Phendula ngesivakalisi esipheleleyo. Qala impendulo yakho ngolu hlobo:
Itikiti libiza iirandi ... (1)
[20]

AMANQAKU ECANDELO C: 40

ICANDELO D: UNCWADI

IMIYALELO NENGCACISO

- Khetha incwadi ENYE kuphela uphendule imibuzo yale ncwadi uyikhethileyo.
- Ukuba ukhetha *UNgodongwana* uze uphendule UMBUZO 6.
- Ukuba ukhetha *Iholide ebiweyo* uze uphendule UMBUZO 7.

UMBUZO 6: *UNGODONGWANA* – PM Ntloko

6.1 Funda esi sicutshulwa uphendule imibuzo.

UNODUNGE: Ndithetha nje, Mhlekezi, uTana selelele kobandayo, umoya wakhe udada kwelemimoya. Umninawa wakhe uNgodongwana kangangokungxwelerhwa kwakhe akukho themba lokuba angabuy' adl' ubomi. Kambe esakhe isidumbu akuvakali namkhondo ngaso.

UJOBE: Nodunge, phakathi lam elithembekileyo, asikuko nokuba ndonwabile kowam umphefumlo. Uvuyo nemincili ilubophile ulwimi lwam ukuze lungawakhuphi poqo amazwi am ombulelo.

UNODUNGE: ...

UJOBE: ...

UNODUNGE: ...

UJOBE: Utsho ngani kanti isidumbu sakhe asifunyanwanga?

UNODUNGE: Ndivile, Nkosi, ukuba unamanxeba anzulu emzimbeni wakhe, lada labalasela lona elisethangeni.

UJOBE: Uphi uDingiwe, intombi yam?

UNODUNGE: Nanko ngakunina ekhangeleka esezinyembezinini, nonina ngokunjalo. Le nto yokufa kwaba bafana ngesiqophe ngundaba-mlonyeni.

UJOBE: Babize Nodunge beze apha ndizokuthetha nabo.

(Wangena uMaMbamba)

UNODUNGE: ...

UJOBE: Mfazi wam ondizalele iinyoka endaweni yoonyana, amehlo akho makome, ... isindile indoda yakho kutshaba obeluze nzima.

- 6.1.1 Chonga kwintetho yokuqala kaNodunge igama elibonisa ukuba uthetha nenkosi. (1)
- 6.1.2 Le ntetho ithetha ukuthini, 'ilubophile ulwimi lwam'? Khetha impendulo echanekileyo kwezi zilandelayo:
- A Akakwazi nokuthetha
B Ucinga ngokuthetha
C Ulwimi lunentambo
D Akafuni ukuthetha (1)
- 6.1.3 Chonga kwisicatshulwa ibinzana elibonisa ukuba uTana uswelekile. (1)
- 6.1.4 Chaza ngokufutshane ukuba yintoni umsebenzi kaNodunge? (2)
- 6.1.5 UDingwe yintombi kabani? (1)
- 6.1.6 UNodunge uthi kwenzeka ntoni koonyana benkosi? (2)
- 6.1.7 Kutheni uJobe evuya xa esiva ezi ndaba zivela kuNodunge? (2)
- 6.1.8 Ngoobani abahlasele oonyana benkosi? (1)
- 6.1.9 Chaza ngokufutshane ukuba bahlaselwe njani oonyana benkosi. (3)
- 6.1.10 Kwakutheni ukuze uJobe afune ukubuza ngesidumbu esingafunyanwanga? (2)
- 6.1.11 Ngubani onamanxeba anzulu? (1)
- 6.1.12 Bebeziva njani uDingwe nomama wakhe ngezi ndaba zikaNodunge? (1)
- 6.1.13 Kwakutheni ukuze uJobe athathe isigqibo sokuba asiyeke isihlalo sobukhosi. (1)
- 6.1.14 Wabeka bani esihlalweni sakhe sobukhosi? (1)

KUNYE

6.2 Funda esi sicutshulwa uphendule imibuzo.

Komkhulu kwaBhungane. Kungena uNgodongwana noNkosi uBhungane, noMnu. Cowan. UMnu. Cowan umnyanga embopha inxeba. Kukho nabelusi.

UNGODONGWANA: Bayethe Mhlekazi!

UBHUNGANE: Kukho umntu othethayo na?

UCOWAN: Ewe.

UBHUNGANE: Shuu! Kubuhlungu.

UCOWAN: Kufanele. Eli nxeba lakho linzulu. Nyamezela wena, ndiza kukunceda.

UBHUNGANE: Uphuma phi na mfana? O, shuu! Shuu!

UCOWAN: Kulungile. Sendilibopha ngoku ukuze lihlale ligqunyiwe lingangenwa yingqele nothuli.

UNGODONGWANA: Ndiphuma kwelikude, Nkosi, apho nam ndingaziyo.

UBHUNGANE: Ufuna ntoni ke mfo wasekudeni?

UNGODONGWANA: Ndifuna umsebenzi, Nkosi yam. Nokuba ngowaluphi na uhlobo ndiya kuwamkela.

UBHUNGANE: Ungubani igama lakho mfana? Igazi lakho lisuke lanzima ngokungathi lelasebukhosini.

UNGODONGWANA: Akunjalo Mhlekazi. NdinguDingiswayo. (*ethetha ukuba edingiswe nguDingiwe, udadebawo.*)

UBHUNGANE: O, ndiyabona Dingiswayo. Msetyenzana ukhoyo apha ngowokwalusa.

UDINGISWAYO: (*onguNgodongwana*) Ulungile nawo, Nkosi, wondixolisa.

UCOWAN: Nkosi Bhungane, lo mfana ngathi angalikhali ngorha emkhosini. Ndithi masimfundise naye indlela nobuchule bokulwa, nokuphatha imikhosi.

6.2.1 UNgodongwana ucetyiswe ngubani ukuba makaye kwaBhungane? (1)

6.2.2 UBhungane uyinkosi yesiphi isizwe? (1)

6.2.3 UCowan ebenceda uBhungane ngantoni ukufika kukaNgodongwana? (1)

- 6.2.4 Yintoni owona msebenzi kaCowan apha kwaBhungane? (2)
- 6.2.5 Ngeli xesha uNgodongwana efika emaHlubini, ngoobani abanye abantu ababelapho ngaphandle kukaCowan noBhungane? (1)
- 6.2.6 Kutheni uCowan ebopha inxeba likaBhungane? (2)
- 6.2.7 UNgodongwana wayeze kucela ntoni apha kwaBhungane? (1)
- 6.2.8 Ngaphandle kwale nto uyibhale ku-6.2.7 kwakutheni ukuze uNgodongwana abalekele apha kwaBhungane? (2)
- 6.2.9 Kutheni uNgodongwana esithi igama lakhe nguDingiswayo? (2)
- 6.2.10 Ngokwesicatshulwa uBhungane uqhaphela ntoni egazini likaNgodongwana? (2)
- 6.2.11 UNgodongwana uthe uphuma 'kwelikude'. Leliphi eli lizwe athetha ngalo? (1)
- 6.2.12 UDingiswayo wathunyelwa emadlelweni nabani? Khetha impendulo echanekileyo kwezi zilandelayo:
- A NoCowan
B Namakhwenkwe
C Nabafazi
D Nabelusi (1)
- 6.2.13 UDingiswayo wayiphathela ntoni inkosi uBhungane ukubuya kwakhe emadlelweni? (1)
- 6.2.14 UBhungane wamnika owuphi umsebenzi uDingiswayo emva kwesenzo osixelele ku-6.2.13? (2)

[40]

OKANYE

UMBUZO 7: IHOLIDE EBIWEYO – J William noT Ntshinga

7.1 Funda esi sicutshulwa uphendule imibuzo.

URobert wachitha intsasa yonke ezulazula phakathi kwezindlu. Abanye abakhenkethi babesafika. Ngelo xesha kanye wabona imoto ezele ngabantu neempahla ingena ngesango. Kungcono ndibe kufutshane nabo, wacinga njalo.

Walaqaza waza wabona indoda encathame emithini. Yayihlola abantu abasandul' ukufika. Wayiqwalasela uRobert le ndoda. Yayinomkrwelo kwisidlele sasekunene. 'Ndiza kumfumana, uBuso-bukrwentshiweyo,' wasebeza uRobert.

Bakugqiba abantu ukothula impahla, le ndoda yathi chu yemka. URobert wayilandela kodwa eqinisekisa ukuba yona ayimboni. UBuso-bukrwentshiweyo waya elunxwemeni wafika wahlala esitulweni. Kodwa wayesoloko ephukuza. URobert wamjonga engaphaya kwesikhuseli sabahambi ngebhasi.

... Usapho lwabakhenkethi obelufike ngaphambilana lwaluphuma ngemoto. Lwathatha indlela eya ngasezivenkileni.

URobert walandela uBuso-bukrwentshiweyo qelele. Wegqitha ngqo ngasezindlwini, kodwa wema egaraji wafowuna kwifowuni kawonkewonke. Emva koko waya erenkini yeteksi wakhwela ikhombi ebomvu, wayibetha yazula umqhubi.

- 7.1.1 Kwenzeke ntoni kusapho lukaRobert, le ibangela ukuba achithe intsasa ezulazula phakathi kwezindlu? (2)
- 7.1.2 Luphi usapho lukaRobert ngeli xesha uRobert ezulazula phakathi kwezindlu? (1)
- 7.1.3 Ngoobani aba babesafika kwindawo yokuchitha iholide? (1)
- 7.1.4 Kutheni uRobert ecinga ukuba makabe kufutshane naba bantu ubabhale ku-7.1.3? (2)
- 7.1.5 URobert waqaphela bani obencathame emithini? (1)
- 7.1.6 Wayesenza ntoni emithini lo mntu umbhale ku-7.1.5? (1)
- 7.1.7 Chaza ukuba lo mntu wakhe wabonwa na ngooRobert ngaphambili? (2)
- 7.1.8 Siqonda njani ukuba uRobert wayengafuni ukubonwa ngulo mntu? (2)

- 7.1.9 Wenze ntoni uBuso-bukrwentshiweyo lwakumka usapho lwabakhenkethi lusiya ezivenkileni? (2)
- 7.1.10 Le ntetho ithetha ukuthini, 'walandela uBuso-bukrwentshiweyo gelele.' Khetha impendulo echanekileyo kwezi zilandelayo:
- A Wamlandela ekufutshane naye
 - B Wamlandela ehambela kude
 - C Wamlandela emleqa mpela
 - D Wamlandela emi ecaleni kwakhe (1)
- 7.1.11 Chaza umbala wekhombi ekhwelwe nguBuso-bukrwentshiweyo. (1)
- 7.1.12 Le ntetho ithetha ukuthini, 'wayibetha yazula'? Khetha impendulo echanekileyo kwezi zilandelayo:
- A Wayicothisa kakhulu imoto
 - B Wayihlamba kakuhle imoto
 - C Wayibetha ngentonga imoto
 - D Wayibalekisa kakhulu imoto (1)
- 7.1.13 Umququzeleli wenza ntoni erenkini yeteksi? (1)
- 7.1.14 Wenze ntoni uRobert akubona uBuso-bukrwentshiweyo ekhwela iteksi? (2)

KUNYE

- 7.2 Funda esi sicutshulwa silandelayo uze wandule ukuphendula imibuzo

Wayesalila. 'Baphi abantwana?' watsho esalila. 'Nceda, khangela abantwana!' URobert wayexakwe nokuba makathini. Wafana wajonga uAndrew owayeme ngakunina. Naye wayengcwengise iinyembezi. URobert wayengathi angalila naye, kodwa kwakufuneka ezolile. Wayesazi ukuba kufuneka enze icebo lokufumana uElizabeth noMichael. Amapolisa afika ngokukhawuleza. Amapolisa amabini athatha iinkcukacha zemoto kaRobert. Abhala nenkcazo yenkangeleko yabantwana. Omnye wawo wanxibelelana nendlunkulu yamapolisa ngerediyo.

'Baza kuqalisa ukukhangela abantwana kwamsinyane.' watsho kuRobert. 'Baza kucela nosasazo nezitishi zeerediyo zeengingqi ukuba zisasaze ukuba imoto yakho nabantwana ilahlekile. Ngoko ke abantu abaninzi baya kuqalisa ukufuna imoto yakho nabantwana bakho.'

'Enkosi,' watsho ngokuzithoba uRobert. Elinye ipolisa lancuma. 'Ungakhathazeki. Siya kwenza konke okusemandleni ukuwafumana la matshijolo. Akholisa ukuchonga abatyeleli. Kwiiholide ezingaphambili beba iimoto ezintathu zabatyeleli.' Ngesiquphe beva izingqi ezibalekayo, nomntu okhwazayo: 'Tata!'

- 7.2.1 Ngubani lo wayesithi, 'Nceda khangelela abantwana.'? (1)
- 7.2.2 Lo mntu wayefuna ukuba kukhangelwe abaphi abantwana? (2)
- 7.2.3 Nika ESINYE isizathu sokuba uRobert naye afune ukulila? (1)
- 7.2.4 Kwafika amapolisa amangaphi? (1)
- 7.2.5 Amapolisa acela iinkcukacha zantoni kuRobert? (1)
- 7.2.6 Ipolisa lisebenzise ntoni ukuze linxibelelane nendlunkulu yamapolisa? (1)
- 7.2.7 Yinyaniso okanye bubuxoki? Amapolisa athethe kakubi noRobert. Xhasa impendulo yakho ngokukhupha ibinzana okanye igama elifanelekileyo kwesi sicutshulwa. (1)
- 7.2.8 Zingaphi iimoto ezibiweyo kwiiholide ezingaphambili? (1)
- 7.2.9 Zibiwe ngoobani ezi moto? (1)
- 7.2.10 Ngaphandle kwemoto, yintoni enye into uRobert afumanise ukuba ibiwe? (1)
- 7.2.11 Chaza ukuba le nto uyibhale ku-7.2.10 ilahleke njani. (2)
- 7.2.12 Chonga kwisicutshulwa enye yeendlela amapolisa aza kunceda ngayo malunga nokulahleka kwemoto nabantwana. (2)
- 7.2.13 Ingaba ibiziinjongo zootsotsi ukuba babe imoto kunye nabantwana? Xhasa impendulo yakho. (2)
- 7.2.14 URobert noGrace baziva njani xa abantwana bebuyela kubo? (1)
- 7.2.15 Ukuba ibinguwe uRobert, ubuza kuthini xa abantwana bakho becela ukushiyeka emotweni ngeli xesha wena usiya evenkileni? Kutheni usitsho? (2)

[40]

AMANQAKU ECANDELO D: 40
AMANQAKU EWONKE: 120